

Zeitschrift: Il glogn : calender dil pievel : annalas per historia, litteratura e cultura romontscha

Band: 9 (1935)

Artikel: Steil' alv' e flur strieuna

Autor: Disch, Gion

DOI: <https://doi.org/10.5169/seals-881242>

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Siehe Rechtliche Hinweise.

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. Voir Informations légales.

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. See Legal notice.

Download PDF: 21.05.2025

ETH-Bibliothek Zürich, E-Periodica, <https://www.e-periodica.ch>

Steil' alv' e flur strieuna

*Steil' alva, flur carina
Si denter gond' e grep!
Ti schubra flur alpina
Sul vent cametsch e step
Eis ti de tuttas jarvas
Al tschiel il pli de tier.
Al sogn sulegl ti arvas
Tiu egl cun grond plascher

Steil' alva ti orneschas
Las alps de nies Grischun
E cun bia gust fiteschas
Nos giuvens ti cunzun.
Il mat giud l'aulta pézza
Tiu matg pren cun quita;
La matta quel lu drezza
E fitta sein e tgau!*

*Strieuna, ti striunas
Nos sens cun ti' odur;
Strieuna, ti implunas
La veta cun colur.
Stgirverda la boscaglia
Cun romà de vigur,
Tes calischets de vaglia
Zuppentan plein amur.

Mo cul favugn seglienta
Freid, neiv e glatsch a mun,
Milliardas flurs leventan
Lur fiug ord il profund
Dil tratsch alpin. Las porschan
Aspect grondius a ti
Cun pops e flurs che storschan
Il stuors de tiu capî.*

*Sch' ti eis gie pli che plauna,
Steil' alv' en tiu carschen
Sche cun la flur strieuna
Sefas ti schi stupent.
Tiu alv ton clar terlischa
El camp schi caul burniu
E sc'ina crusch che glischa
Nus ha el tut surpriu.

Steil' alva e strieuna
Con ault vus paradeis!
Ault sur utschi e reuna,
Sur cuolms e vals vus steis.
La Svizzera en bandiera
Ha las colurs de vus!
Per quellas viv' e miera
Siu pievel valerus.*